

長蘆鹽法志

長蘆鹽法志卷二十

圖識

廣輿記分星野地理疆域郡縣而圖之而鹽志不能泥襲其舊也蓋行鹽之處引地有統轄場竈有遠近必參酌於民食之便轉運之宜或分撥府州或併歸引竈則非疆域郡縣所限制焉長蘆近拱京師歲

巡駐蹕一切規模制度水利工程永宜載爲典章繪而紀之斯亦典守之職也志圖識

柳墅行宮圖

海河樓圖

皇船塢圖

順天直隸引地全圖

河南蘆鹽引地圖

天津府城圖

十場總圖

興國場圖

富國場圖

豐財場圖

蘆臺場圖

越支場圖

濟民場圖

石碑場圖

歸化場圖

海豐場圖

嚴鎮場圖

護坨隄圖

津地墾鹽廳圖

滄坵禦鹽廳圖

天津浮橋總圖

鹽關浮橋圖

巡鹽御史公署圖

鹽運使司公署圖

天津分司公署圖

滄州分司公署圖

通綱商人公所圖

問津書院圖


三取書院圖


育嬰堂圖

附
滄州大門書院圖

柳野天宮

圖





柳墅行宮圖識

行宮在天津海河之東。居北面南。周圍植柳。宮牆甬道。內外朝房。殿閣亭臺。溪橋山石。以及林木花卉。鶴鹿禽魚。靡不具備。肇建於乾隆三十年。

高宗純皇帝御題曰柳墅行宮。所以舉時邁之典。而駐蹕於斯也。自丙戌至甲寅。所有

宸翰詩箋額聯墨寶。琅函石刻。一一恭貯於內。又頒存古今圖書集成等書籍。皆屬離臣所經營。嘉慶五年。六年。八年。俱奉


聖諭詢問天津行宮是巡幸駐蹕之處宜時加察看所有捐
貲修葺準通綱借撥課項應用於此仰見我


皇上敬

天法

祖勤民卹商之至意也茲當鹽志纂成謹繪圖恭識

漢河樓圖





海河樓圖識

海河樓在天津三岔河口北岸。崇禎觀之東。南嚮。乾隆三十八年奉

旨建造。共房一百五十二間。有亭池廊廡臺榭樹石。前臨河爲樓。簷宇峻藹。俯瞰波流。遙瞻海色。樓內恭貯

高宗純皇帝御題海河樓匾額。


御製詩章對聯木刻。謹繪圖恭識。


皇

船

關

圖





皇船塢圖識

皇船塢在天津海河開口三里。康熙五十二年奉

旨建造。乾隆二十六年。鹽臣金輝奏明。改建塢房三座。計二十七間。恭貯

御舟十有一隻。立內外壩以備

御舟出入。設石閘以司啓閉。塢旁有官廳。汛房。水手房。桅柁房。庫房。東西角門。原繫坐糧廳管理。經鹽臣金輝奏準。歸長蘆鹽政辦理。承辦商人隨時看護修葺。敬繪圖恭識。

順
而
直
隸

引
地
全
圖





順天直隸引地全圖

長蘆。今之滄州也。史記云。渤海之間一都會。洵水陸之要衝。按星野屬析木。介於大梁元枵之間。入箕一度而箕列天漢。有津梁之義焉。其地本漢之參扈縣。屬章武郡。按元和郡縣志。北周大象二年。於此置長蘆縣。是長蘆名之所由昉也。北魏遷鄴後。於滄瀛幽青四州之地。傍海煮鹽。滄州置竈一千四百有奇。是長蘆鹽之所由昉也。歷隋唐宋皆因之。至明永樂更置都轉運鹽使司衙門。又每歲遣御史一巡視之。我

朝定鼎燕京。初亦仿沿其舊。康熙七年。巡鹽御史並運司衙署俱駐劄天津。其印信關防。則仍長蘆之舊制。夫天津距京二百四十餘里。車舟輻輳。爲畿輔水陸之門戶。凡行引地方。隸長蘆運司所轄者。十一府。六直隸州。百四十三州縣。


河南鹽池圖




河南蘆鹽引地圖識

省會以形勝定疆界。鹽筴以引地分統轄。凡所以通轉
運便民生也。大江以南。兩湖各省俱屬淮。迤海以東。甌
越諸區則歸浙。長蘆鹽筴統直隸全省。及河南開陳彰
懷衛五府。許禹鄭三州。舞陽一縣。歷奉題準。陸續均改
歸長蘆屬焉。舟車通利。轉運爲便。旣可以嚴防禁。緝私
售。而疆圉繡錯。地引條分。通商便民。釐然可稽矣。

天津府城圖





天津府城圖識

天津府城古章武郡臨析木之津。由衛改州。州置府。初長蘆總政在滄州。康熙七年。巡鹽御史運司衙門俱移駐天津。鹽屬官吏遂環拱近列津城。而商之輸課輓運亦無不櫛比而居也。城之東門曰鎮海。近三岔河。及海河順流下東南百二十里。至東沽達於海。每朔望大潮汐。北至北運河西北過御河繞城如環。鹽之產於各場者皆從海河載進。分掣而轉運。城之西門曰衛安。三十里接靜海縣境。城之南門曰歸極。其地窪寬廣四五

十里。澤邑藉以宣洩水潦者。城之北門曰帶河。三十五里至蒲口。爲入京師通衢。城四圍方九里有奇。文職有道府縣丞倅。武職有總鎮將備營弁各廨署。人民薈萃商賈殷蕃。蓋畿南最要之區。而長蘆帛策總滙於此。

圖

十

十

十



原州邊想河

市市

場田豐

大沽

廣陽場

。原銀湯

。山陰縣

場以廣
府奉大

沽西

北運河自通州來

。美子牙
釣魚臺

州



仙公

山東樂陵縣界

山東德州界

南運河

老潭河

縣水南



場流海州派

山西北張家口來

之平壤王山

卷一 圖識

王


十場總圖識


海爲不涸之源而煎曬納課必視引地之所銷爲定則
場竈多歲有餘鹽囤積而不能售何裨也長蘆歷迄今
元皆二十四場至明隆慶間因有場無戶課額益迫裁
之爲二十場

國初又裁爲十六場復於雍正十年裁併爲十場今各場
境壤相接轉輸銷售竈戶殷蕃而利源溥矣

圖
國
場

圖





興國場圖識


興國場在天津縣高家莊。爲天津分司所屬。距分司七十里。東濱大海。灘近東沽。西南接四黨口。南接富國場。又南入滄州境。北近軍糧城。潘兒莊。北塘有灘蕩地。相連一片。初場在靜海縣鹹水沽。有公署。後被水徙高家莊。場員賃居天津民房。無定署。東北增併厚財場地。戶籍在山東樂陵。直隸寶坻。武清。河間。天津等縣。延廣五百里。

圖

國

場

圖



北河

天津

河橋

河

子牙河

大頭港

西

莊家園

靜海縣界

城磚

河南大

莊家孫

莊家

莊兒霍

莊成楊

林家程

河南小

莊家鄉

莊家

莊家

莊家

署

署

府

鼓樓

署

圖說

三

富國場圖識


富國場。初在靜海鹹水沽。今移在天津。爲天津分司所屬。場員無公署。賃居民房。場東至上古林。接興國場界。西過大頭港。至子牙鎮。南近王家莊蘆北口等處。北濱北運河。東北沿東淀河。灘蕩迷失無考。戶籍散隸山東樂陵。及順天河間。天津等州縣。


豐

財

場

圖





豐財場圖識

豐財場在天津縣葛沽爲天津分司所屬距分司七十里。場員公署在焉。又有小聖廟。白衣閣。娘娘廟。三官廟。藥王廟。真武廟。比棟連薨。翼翼修整。東濱海。有


敕建海神廟。並觀海臺。敬貯

高宗純皇帝御製詩石刻。又碑一座。敬勒

純皇帝御製瀛裔一律。居民所稱鹽灘碑是也。西接鹹水沽。南界興國場。北界寶坻縣。東北南澗沽。地多草蕩。戶籍在靜海。青縣。及山東樂陵等州縣。延廣四百里有奇。

蘆
吉
座
場

圖



西

蘭州運糧河

馬驢

趙支渠界

司馬司


東

斗

趙支渠界

海池

神堂





盧臺場圖識

盧臺場在寧河縣盧臺鎮爲天津分司所屬距分司一百四十里南界大海北連寶坻縣境東至斗沽接越支場界西跨夾河之側相傳南唐以前戍軍於此以備海氛有鹽姥廟其神示人以煮土成鹽之法居人作瑞鹽歌灘蕩沿海濱場員公署在盧臺鎮舊別有公廨爲分司所駐劄今廢戶籍在寶坻縣延廣一百二十里

越支場









越支場圖識

越支場在豐潤縣宋家營古薊州也爲薊永分司所屬距運司二百八十里場員公署卽舊青州分司署其地有關帝廟府君廟三官廟市有西街新河頭小集等處東近李八脈黃米販接濟民場界東北由爽坨沙河接灤州境西近尖坨葛各莊西北至斗沽接蘆臺場界南濱海別渚名建河卽今運河之下流灘地沿海草蕩沿張家莊尖坨子一帶戶籍在豐潤灤州遵化玉田等州縣延廣二百四十里。

濟民場圖






濟民場圖識


濟民場在灤州柏各莊爲薊永分司所屬距運司三百一十里場員公署舊在崔各莊今移柏各莊其地有三官廟觀音庵東近青坨至劉家河俗所謂潮河也與石碑場接近轉北至笨城入灤州境西跨運河南濱海自劉家河娘娘廟一帶至西有竈七處與草蕩灘地皆林林羅列焉戶籍在灤州豐潤及熱河等八處延廣一百三十餘里。

石圖

碑

場







石碑場圖識

石碑場在樂亭縣之石碑莊。爲薊永分司所屬。距運司三百六十餘里。場員公署舊在石碑莊。今移閭各莊。其地有崇福寺。吉祥寺。東連石閣莊。接歸化場界。西接濟民場界。北由灤州灤河達清河。南濱海。西南有李家窰。張家窰。至東南一帶皆草蕩。環繞迤東。又有野豬口。羊關坨二窰。戶籍在樂亭。昌黎兩縣。延廣百七十餘里。

歸化場

圖





歸化場圖識


歸化場在撫寧縣鹽務鎮。爲薊永分司所屬。距運司七
百餘里。場屬之至遠者。場員公署在西鹽務。東抵山海
關界。北連接長城西。從蓮蓬山近牛頭嶺。南至秦王島。
灘蕩黿地。由洋河戴河濱海環列。東北增併惠民場界。
近熱河。山川雄秀。民物殷蕃。戶籍在撫寧。昌黎兩縣。延
廣四百餘里。


漢

豐

場

圖







海豐場圖識

海豐場在鹽山縣之羊兒莊爲滄州分司所屬距運司三百六十里距分司一百二十里東濱海接山東海豐縣境故以名場由劉家莊姜各莊有運鹽車道南近馬古山有仙人洞西歸併深州海盈場西北過孟窪至武帝臺接舊裁之富民阜財兩場界其地有關帝廟魁星樓真武廟大寺場員公署在羊兒莊灘自東北劉家莊濱海如帶戶籍在山東樂陵海豐及滄州慶雲等縣歸併海盈場灘蕩皆廢

嚴鎮場

圖







嚴鎮場圖識

嚴鎮場在滄州同居村爲滄州分司所屬距運司一百二十里距分司九十里初隸北場於明隆慶三年歸屬南場場員公署在同居村東濱海一帶皆灘地西界唐官屯南抵已裁之利國場舊界北連興國富國兩場界其地有玉皇閣娘娘廟山道口至關帝廟有鹽池戶籍在玉田豐潤滄州東光等十二州縣延廣一百二十里

護地肥

圖





護坵隄圖識

護坵隄在海河東岸鹽關下。坵有新坵。有舊坵。舊坵存貯。由場運到之生鹽。在石碑南。各商改築熟鹽。告掣配運。移貯於新坵。新坵在石碑之北。每九引爲一塢。數十塢爲一梁。隨運隨貯。輓轡周轉。是卽衆商運本之所在。坵岸臨海河。東近諸淀。偶值恒雨積潦。淀水漲浸。卽往衝決。蘆商歷年培築隄岸以衛之。嘉慶六年。復被衝盪。各商重築新隄。自藥王廟至季家樓。環護如帶。鞏固堅壘。而坵鹽庶無漂沒之虞矣。

津


坤


整

鹽

廳

圖





津地掣鹽廳圖識

津地掣鹽廳在天津東門外海河東岸。乾隆三年建廳。有竿臺有秤架有官廳廨宇。凡各商地鹽改策赴通司告掣。通司委批驗所查驗。具結申呈鹽院聽掣。每掣一包過小籌一枝。二十包過大籌一枝。是爲一次。逐包掣畢。移貯於新地。赴運使津道各署掛號。仍造冊呈送鹽院。鹽船齊泊鹽關下。候臨關抽包掣。掣而後啓關放行。

滄

坤

黎


鹽

廳

圖



北柵欄



白太廟



巡房

東柵欄進生雞


鹽



巡房



南柵欄



滄州掣鹽廳圖識

滄州掣鹽廳在滄州城西門外。南接鹽坵。有柵欄。分生熟鹽之出入。四圍有巡房。廳有秤架。有官廳。旁有白衣廟。長蘆鹽務自移駐天津後。於天津建立掣鹽廳。惟滄州分司所屬海豐嚴鎮二場之鹽。仍在滄州配運。船掣。

天


橋


津

總

浮

圖





天津浮橋總圖識

浮橋所以資利涉也。天津浮橋有四。一在西沽。爲入京師通衢。河面寬濶。車馬駝載。非渡船可濟。一在鈔關口。糧艘上下。隨時啟閉。鈔關藉以爲鎖鑰者。一在巡鹽御史署東。其一卽鹽關浮橋。居民所稱孟公橋也。四浮橋相距各二三里許。歷年均歸蘆商修造。


鹽


關

溪

橋

圖





鹽關浮橋圖識

鹽關浮橋在東門外鹽關口。海河水勢洶汜。舟渡每多覆溺。雍正八年。天津分司孟周衍捐俸倡首。率衆商捐造浮橋十四隻。聚舟如筏。橫亘中流。以通往來。濟河者如履坦道。咸感其惠。因名其橋曰孟公橋。而鹽之由坨秤掣配運者。卽以此爲關鍵。司啟閉焉。

巡

鹽


御


史

巡

鹽

圖







巡鹽御史公署圖識

巡鹽御史署。在天津三岔河口西北岸。初長蘆巡鹽御史署在京師。御史每歲一巡直隸河南山東鹽。天津向葺戶部餉司衙署。爲御史巡舍。康熙七年。御史孟戈爾代疏請移駐於天津。雍正二年。商衆鳩工重建。共屋百二十二間。西偏有五聖神祠。東旁有薰風烈日祠。御史莽鵠立泣此留任。立有敬事堂。繹志軒。環水樓。皆製記勒石。

鹽運使司

公署圖





鹽運使司公署圖識

鹽運使司署在天津城內鼓樓東。署舊在滄州城內西南隅。臨南薰門。右接運判署。自康熙十六年。因商人多隸北所。天津督催引課爲便。遂移駐天津。僦民房以居。二十七年。運使任璣並商衆捐貲。改建共屋二百四十二間。有引庫。有銀庫。都轉課餉。支領引目。均於是司出入。掌筭鑰焉。


天律外司


小司圖

長蘆鹽法志

卷二十 鹽課 天津分司署

五十五







天津分司公署圖識

天津分司署在天津城東門外海河西岸臨鹽關署舊在越支場之宋家營前明萬歷間移駐天津御史畢懋康運同楊景猷及商衆捐貲建署於此共屋九十八間運判魯史撰碑記乾隆四十六年鹽臣伊齡阿奏改爲天津分司。

滄州外司

小署圖





滄州分司公署圖識

滄州分司署舊在海豐場之羊兒莊。後移駐滄州城內西南隅。臨南薰門。右倚城。左接舊運司署。署內有蘆池。有土地祠。藏包孝肅公所乘輜。前明崇禎十五年。運判俞向葵重建。共屋九十一間。換碑記勒石。長蘆鹺務改隸天津。御史運使各署俱移駐於天津。惟滄州運判仍如舊制。

通

網


商


人

小

所

圖







通綱商人公所圖識

通綱商人公所。在天津城鼓樓東。運使署北。康熙十三年。運使於津城僦民房爲行署。衆商乃於街北購置公所。共屋二十五間。後卽就民房改建運使署。公所附近一切稱便。凡籌策公務。以及支引配運輸課諸大端。咸於此憩集謀議。議定乃質於運使。衡可否而申詳焉。

問津書
脈圖







問津書院圖識

問津書院在天津城內鼓樓南。原蘆商查爲義廢宅基。址於乾隆十六年捐輸立書院。運使盧見曾並商衆共捐建屋五十九間。位其中爲講堂。前爲門。後爲書室。東四環之以學舍。選徒延師。朝夕於此。爲執經講藝之所。顏其名曰問津。立教條製記勒諸石。每歲束修膏火饌食之費。皆由閒款生息項內支銷。歷有成規。

三
取
書
圖







三取書院圖識

三取書院在天津三岔河口東岸。舊有廢室三楹。康熙五十八年。津邑商民修築渠黃口隄岸。隄尾處此。因購地增造學舍門垣。創立爲書院。顏其名曰三取。附近士子肄業焉。歲久傾圯。乾隆二十年。津邑紳士王又樸倡首。與商士捐造學舍十二間。延師授徒。每歲需費。亦由衆商捐交於運庫支銷。

古
貝
氏
道









育嬰堂圖識

育嬰堂在天津城東門外。乾隆五十九年。鹽臣徵瑞奏
準。衆商捐建。共屋一百二間。中爲大堂。兩廂爲官廳齋
舍。前爲米房。爲衣被房。爲製藥房。東偏爲庖廚。爲僕舍。
大堂旁爲轉筒。以傳什物。堂門鎖閉。以謹防閑。人爲內
堂。在旁。在後者爲嬰房五。內外各有司事。乳媪之出入。
必有號籤。有照票。莫或混淆。凡哺養嬰兒。調攝疾疫。與
夫布粟薪芻之用。經營措理之規。均酌定章約。率行焉。

滄州衙門
書院圖





附 滄州天門書院圖識

滄州天門書院在滄州城東前明萬歷二十四年運使何繼高創建其屋九十餘間中爲講堂前爲儀門後爲樓左右爲號舍外有包公祠土地祠義學凡嵯使蒞任胥於此觀風而校士自長蘆鹽務改隸天津後遂因之漸廢迄今歷有年所垣廡舍宇已皆傾圯無存僅餘基址一區耳茲仍原圖繪而識之振興踵起不難也